

⏪ ⏩ Krim ove sedmice i pravno dio Rusije

SKANDALOZNO: Korupcija u IPA projektima?

🕒 28. februar 2014. 👤 Jadranka Mihic 👤 Komisija EU u BiH 💬 0 👁 219 🖨 Printaj

Veličina slova: ⚙️

Iz izvora bliskih Univerzitetu u Zenici, „Ekran“ saznaje da postoje ozbiljne indicije za sumnje u korupciju u provođenju projekata koji se u Bosni i Hercegovini provode zahvaljujući podršci EU



Prema našim saznanjima, sredstva koja su od izuzetne važnosti za BiH i njen evropski put, zloupotrijebljena su od strane pojedinaca, prije svega na univerzitetima, koji izuzetnu pomoć EU pretvaraju u način svog ličnog bogaćenja.

Na ovo upućuje fiktivna realizacija projekata, koja je provedena vrlo često uz fiktivne troškove i tendenciozan odabir onih koji sudjeluju u njihovoj realizaciji.

Kako naš izvor navodi, vodeći se isključivo ličnim interesom, **Jadranka Mihić** "oficir za projekte u kancelariji Komisije EU u BiH", svojim uticajem doprinosi dodjeli sredstava pojedinim univerzitetima i firmama, obezbjeđujući na taj način mogućnost da pojedinci koji su sa njom u navodnim koruptivnim vezama, ostvare enormne zarade. Naravno, unutar sredstava koja su na taj način obezbjeđena, Mihićeva dobija svoj dio, koji se isplaćuje u gotovom novcu i bez nepotrebnih svjedoka. Na taj način su finansirani projekti od kojih niko nije imao korist, izuzev najužeg kruga koji je bio upućen u njihovu realizaciju.

Posljednji primjer za to je projekat „Reforma finansiranja u visokom obrazovanju“, koji je na svoj način vodila Jadranka Mihić i koji je u potpunosti doživio fiasco.

„Ekran“ je došao do saznanja i o drugim projektima koji su finansirani mimo svake potrebe BH društva i univerziteta, ali koji su "nosili" velika sredstva i mogućnosti dobre, ali netransparentne zarade. Nakon što su otkriveni neki tragovi manipulacije sa sredstvima iz IPA fondova, Mihićeva se okrenula obračunu sa svima koji su upućivali na njene bliske odnose sa pojedinim univerzitetskim čelnicima i neformalnim centrima moći na univerzitetima i državnim institucijama. Tako je svoju podršku, prema našim informacijama, unovčavala kroz obezbjeđivanje sredstava za realizaciju projekata koji, poput navedenog, nisu donijeli niti jedan ozbiljan rezultat. Friziranim izvještajima, međutim, zataškavano je trošenje novca, kao i neuspjeh u realizaciji. Zato su IPA projekti ostali bez konkretnih pokazatelja uspješnosti, a njihova stvarna implementacija ostala je samo na nivou izvještaja koje je Mihićeva podržavala, ali i sama podnosila.

Time je obezbjedila da se stvori krug povlašćenih korisnika sredstava, koja su bila namijenjena cijelom društvu.

„Ekran“ će nastaviti sa istraživanjem novih podataka o zloupotrebi EU fondova. Motiv više za to je dobronamjerna i neophodna podrška koja na ovaj način stiže iz zemalja EU, a koja biva minimalizirana ili potpuno obesmišljena djelovanjem pojedinaca koji zloupotrebljavaju ove izvanredne mogućnosti za našu zemlju. Koliko je štete sa svojim "partnerima" nanijela Mihićeva, teško je sada procjeniti. U svakom slučaju, krajnje je vrijeme da se preispitaju rezultati ulaganja u BiH i utvrdi odgovornost pojedinaca koji su doprinijeli, ili direktno uticali na njihov neuspjeh. To je neophodno i radi budućih ulaganja i podrške zemalja EU, bez koje će život u Bosni i Hercegovini biti značajno teži.

PREPORUČI PRIJATELJIMA

